



**G**eorgius in Brandenburgensi marcha honestis parentibus natus, & omni genere literarum optimè educatus est. Is cum prima artium & linguarum rudimenta in patria feliciter percepisset, sese ad varias academias cōtulit, atq; in primis Vuitebergæ magna diligentia liberalibus studijs incubuit. Itaq; factum ut magnam sibi eruditionē compararit, atq; ob uitæ integritatem cunctis gratissimus extiterit. Vertit Georgius Iſocratis orationem de concordia domi constituenda, & bello in Asiam transferendo in linguam Latinam, atq; 1531 edidit. pari ratione uaria Poëmata composuit, atq; præclaram orationem in gymnasio Fräckfor

diensi habuit de utilitate studiorum eloquentiæ. Postea quoq; Legum studiū amplexus, omnium acclamatione Iuris Doctor creatus est. Cum hoc modo Sabinus pergeret, Philippus Melanchton Germaniæ ornāmētum ipsum plurimū dilexit, atq; præ multis alijs hunc suum generum asciiuit. Reliqui etiam literarum cultores Georgium summa laude suas functiones obeuntem prædicarunt & commendarunt. Vnde meritò hoc loco ob varias uirtutes & præclaram eruditionem magnis Germaniæ uiris connumeratur. Con. Lycoſth.